



## **TOSHKENT DAVLAT YURIDIK UNIVERSITETI REKTORINING B U Y R U G ' I**

31.10.2023

645-tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik yoki mensimaslik holatlari kuzatilmoqda. Jumladan, universitet Odob-axloq kodeksi bilan tanishtirilganligi, fakultet xodimlari tomonidan bir necha bor tushuntirish va ogohlantirishlar berilishiga qaramasdan 70420132 – Xalqaro huquq va inson huquqlari magistratura mutaxassisligi talabasi Romozonov Ulug'bek Xoliyor-o'g'lidan belgilangan tashqi ko'rinish (soch-soqoli o'sgan) va kiyinish qoidalariga rioya qilmasdan kelganligi uchun ogohlantirilib, tushuntirish xati olinganligiga qaramasdan uning takroran shunday holatda dars mashg'ulotlariga kelganligi aniqlandi va ushbu holat yuzasidan U.Romozonovdan tushuntirish xati olindi.

Talaba mazkur harakatlari bilan Toshkent davlat yuridik universiteti Odob-axloq kodeksi 12-moddasi (universitetda kiyinish va tashqi ko'rinishga oid qoidalar)ning oltinchi bandida nazarda tutilgan talablarni buzgan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat raqami 1222, 2003-yil 22-fevral) va universitet Odob-axloq kodeksining 12-moddasiga asosan

### **BUYURAMAN:**

1. Universitet Odob-axloq kodeksining 12-moddasi talablarini buzganligi uchun 70420132 – Xalqaro huquq va inson huquqlari magistratura mutaxassisligi talabasi Romozonov Ulug'bek Xoliyor-o'g'liga hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov: mazkur holat va shu kabi qoidabuzarlik ushbu talaba tomonidan takroran sodir etilsa talabani talabalar safidan chetlashtirish mumkinligi to'g'risida

ogohlantirsin;

ushbu buyruq bilan talabalarni tanishtirsin;

talabaning shaxsiy hujjatlar yig'majildiga buyruq nusxasi tikilishini ta'minlasin.

3. Fakultet dekanlari 3 kun muddatda mazkur buyruq bilan qo'llanilgan intizomiy jazo chorasini talabaning shaxsini sir saqlagan holda talabalar o'rtasida shu kabi holatlar takroran sodir etilmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralarini ko'rsin.

4. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV

**Kelishildi:**

Katta yuriskonsult

A.TURSUNOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV

